

Minister Benny Sevinger:

Pronto Riverplate lo haya su renobacion



Minister Benny Sevinger dunando un splicacion riba e mapa di "New Madiki".



Riba e foto por mira Minister Benny Sevinger dunando un splicacion riba e proyecto hunto cu Minister Presidente, Mike Eman riba veld di Riverplate.

ORANJESTAD- Minister Benny Sevinger cu ma-
sha entusiasmo a conta di e cambianan cu ta na ca-
mina pa veld di Riverplate como tambe pa e bario
di Madiki. E anuncio aki el a haci durante celebra-
cion di e di 60 aña di existencia di Riverplate y den
presencia di Prome Minister Eman, su Infra Team,
directiva di Riverplate, hungadonan y demas invita-
do. Sevinger a conta con e ultimo dos añanan di-
rectiva di Riverplate ta trahando riba e plannan con
drecha e veld y awor e mapanan ta cla, despues cu
adaptacionnan y cambianan a wordo haci.
Minister Sevinger "Di aña pasa caba nos a haya
aprobacion di Parlamento pa loke ta mehoracion di
e barionan y pa facilidadnan manera di Riverplate,
Aruba Juniors, RCA, De Trupialen por wordo dre-
cha. Mescos tambe e barionan loka ta contribui na
e parti social. Nos a keda cla cu e mapanan di Riv-

erplate pa nan por bay destaho publico. E gunning
muy probablemente ta ta na luna di maart. Destaho
publico ta bay cuminsa caba y esaki ta keda anuncia
den prensa den e dianan aki. Asina contratistanan
por participa na e destaho aki".
Sevinger a gradici tur cu a participa na pintamen-
to di e mapanan. Directiva di Riverplate hunto cu
DOW, Infra Team y e team cu ta traha den bario.
Pa por a informa tur hende miho posibel tabatin
anochinan di lectura pa asina haya participacion di
habitantenan no solamente pa mehoracion di Riv-
erplate pero pa henter e area di Madiki. Pa duna un
bon ilustracion con e cayanan rond Madiki ta bay
keda a duna un presentacion. Cayanan manera Ko-
rvetstraat y Pagastraat ta wordo drecha caba y tin
mucho mas ma sigui. Diferente caya di dos via ta
bira di un solo direccion y asina ta crea luga pa para

auto, pa hende por cana mas tranquil, pa por core bais
y tambe ta crea espacio pa planta mata, e asina yama
zona berde.

"E cambianan aki ta tuma luga den tur bario rond
Aruba. Prome Minister Eman ta bishita e barionan
semanalmente pa mira pa su mes kico mester wordo
haci. Sin un motor cu ta traha duro y constante un
bon gobernacion no ta posibel. Minister President
ta e motor aki. E tin e compromiso cu e barionan na
Aruba. Tur dia e ta yama pa puntra con leu cosnan
ta y awe nos ta asina leu pa bay over na destaho.
Asina Riverplate ta haya su renobacion manera
mester ta". Dirigiendo su mes na e hobennan Min-
ister Sevinger a bisa cu nan ta e futuro campeonan
di Aruba. Siguiendo nan ehempel e ta spera cu mas
y mas hende ta bay haci uzo di e veld di Riverplate
ora e ta completamente cla. □